

GN reacts to the 2019 federal budget

Nunavut Kavamangit kiuvakhimayut talvuuna 2019mi kanatam maniit atuqtauyukhat

(March 20, 2019)

Tahqtipkaidjutikhat

Nunavut Kavamangit kiuvakhimayut talvuuna 2019mi kanatam maniit atuqtauyukhat

IQALUIT, Nunavut (Qiqaiyalirvia 19, 2019) Kanatam Kiinauyaliqiyitkut Ministangit Bill Morneau ublumi katimapkaivakhimayuq tamna Kavamatkut Kanatam 2019mi maniit atuqtauyukhanik upalungairutikharfik, Maniliurutikhanik Inuhigarninginik Akunganiitut.

Maniit Atuqtukhat 2019 piqaqtut naunaittunik pinahuarutikhainik ikayuutikhainiklu nappaqtirutikhanut aulapkaidjutikhanullu Ippiralailaqidjutit Ikayuqhinnikkut nayugakhanik Nunavunmi, ikayuqtigiiklutik Nunavut Kavamangat (GN) ukuallu Nunavut Tunngavik Inc.

“Quviahuktunga ikayurumaplugit ajuridjutigihimayainik ippiralimaiqhugit ikayuqhirvikhanik,” uqaqtuq Kiinauyaliqiyitkut Minista George Hickes. “Naahuriyugut amaitqiyanik iglukhatigut tuhapkaidjutikhanullu tiivikkurutikhanik tuhapkaidjutikhaniklu, taffumuuna hivituyumik napatjutingit qaangiqhimajut. Piinningit Nunavunmi-naunaiyautikhangit ayurnaqutut, imaalu ayughautauhimmaagut ihuaqtumik nunaryuakhamik nappagtiridjutikhanik.”

Aallanik piyumayaayunik Nunavunmi ilauyut imatut \$286.2 M tallimani ukiuni taffumunga Inuit hivulliutiyumayainut, \$125.5 M avatqumayuni10 ukiuni taffumunga Inuinnarnit-hivuliqtuiyunit iliharyuummirmikkut iliharniq qanuriliurutikhanginik imaalu \$15 M avatqumayuni tallimani ukiuni nappaqtirutikhanik Ukiuqtaqtumi Unnahiktunut Nunallaani Uuktuutikhainik Manikhainik ikayuutikhanginik “nunallaani-havaktauyukhanik havaakhanik nunamingni Nunaqaqqaagtut nigikhainik havauhikhainik atquqtauyukhanik.”

“Anginiqhauyumik manikhanik tuhaqtitauyugut ublumi tuniyaulimaittuq hamunga aviktuqhimanianut. GN-kutnahuurinaqtut, imatut Nunavutim ikayuqtikhainut tunihivaktut, qanuqtut ihuaqtumik tunihiniaqqita ikayuutikhainik pi nahuarutikhainiklu ikayuutikhainik Nunavummiunutt.” ugagtuq Minista Hickes.

Tamaat naunairutikhangit talvuuna 2019mi kanatam kavamangit maniit atuqtauyukharnik tautuktaugiagagtun talvani Kavamangit Kanatami qaritaualiqidjutikharnik uvani

<https://www.budget.gc.ca/2019/docs/>.

###

Tuhaqtitauyukhanut Uqarvikhaq:

Denise Grandmaison
Atan'nguyaq, Tuhaqtipkaiyuni
Kiinauyaqiliyitkut
867-975-6818
FinanceComs@gov.nu.ca

ᐱᓐᓐᓐᓐᓐ ᐱᓐᓐᓐᓐᓐᓐᓐ ᐱᓐᓐᓐᓐᓐᓐᓐ ᐱᓐᓐᓐᓐᓐᓐᓐ, ᐱᓐᓐᓐᓐᓐᓐᓐ, ᐱᓐᓐᓐᓐᓐᓐᓐ ᐱᓐᓐᓐᓐᓐᓐᓐ ᐱᓐᓐᓐ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.